


精鑄古本

明

珠



讀書坊梓

寶晉齋明珠記

上卷

統領

赴京

酬節

探親

奸謀

由房

却婚



明珠詩
目
閨嘆

拒奸

送愁

激亂

驚破

趕駕

閉關

鴻逸

整軍

抄沒

遇鴻

入宮

義贖

悲別

喜蔭

下卷書

巡陵

郵迎

煎茶

會橋

拆書

訪俠

訴屈

慶俠

吐情

買藥

設策

備劫

飲藥

珠贖

授計

聞赦

藥醒

會內

珠圓

途聚

香齋明珠記上卷

第一齣

無憂未止人世歡娛少眼前光景流星青春不樂空頭
老大損風情么喜遇心閒意美更逢日麗花明主人情
須沉醉莫放酒盃停

歌子清新樂府唱堪聽過雲行鳳鸞鳴宮怨閨愁就裏
淚分明掩過西廂花月色又撥斷琵琶聲么佳人才子古
難并苦離分巧完成離合悲歡只在眼前生四座知音須
聽歌正好酒頻傾

海潮王郎奇俊無雙嬌媚相逢未遂婚盟涇卒揮戈尚

善羈縻多才脫走襄城賊滅早還京恨奸謀屈陷幾處伶
偶逢族叔求官贈妾結深情么驛中錦字叮嚀向渭橋
見淚雨交傾烈士相憐靈丹暗買採蘋扮作男形假詔
到園陵把佳人醜死贖出重生分珠再合一家完聚受恩
不云云下

劉尚書遇亂遭奸計 古押衙假作偷花使

無雙女死後得重生 王仙客兩贈明珠記

第二齣

波齊陣引生扮王仙客上清白先人家法金貂累代傳榮
志超羣詩名滿世爭奈高才未騁孤身自浪浮雲跡四

誰懷國士情咳長歌上帝京

滅字木蘭花風雲未偶心懸日月空回首騏驎埋塵得
志駕駘也笑人椿萱零落空悲風木應難作鸞鳳無依
棟盡寒枝不肯棲小生累代遺芳一經傳業擅六書之
精當得義獻北面綴三史之秀可與遷固比肩五車讀
就敢誇萬卷在心宵八韻賦成却笑十年耽筆硯未受
九重明詔空懷四海蒼生不讓他吳門二俊擅文名肯
學那竹林七賢甘醉飲王仙客本貫襄陽鄧州人氏先
朝諫議大夫王公之子當朝戶部尚書劉震之甥不幸
早年喪父賴母舅迎養老母看覩成人舅舅有一女名

曰無雙年紀小俺三歲自幼兒同學相戲舅母喜歡常
時對小生說待你長成把無雙與你爲妻母親臨歿之
時要求婚配是母舅親口許下只因小生扶柩歸鄉不
曾成禮卽今三年服滿明年是建中皇帝大比之年小
生待上京師應試順便到劉家求親昨日分付安童塞
鴻收拾行李未知完備麼塞鴻那里

西江月未扮塞鴻上門戶年來冷落郎君日下崢嶸蕭然
琴劍照人清笑指長安馳騁生遊子偏懷故國僕夫反樂
長征合莫辭辛苦上瑤京會看風雲一逞

生塞鴻行李完備了麼末覆官人錦囊盛七弦焦尾瑤
鞞挂三尺龍泉馬似雲飛車如電轉俱已擺列門外天
道暄熱請官人早行生正是暫辭舊國遊京國便出襄
陽訪渭陽

朝元令生風回楚城五月黃梅景烟浮帝京千里紅塵永
自挈圖書遠辭鄉井末官人此去先到劉相公府中生重
念渭陽恩幸欲叙平生南風細吹雙轂輕裊裊柳條青依
依遊子情合迢迢華省空凝望楚天雲冷

前腔末才子名高鄢郢風流蓋世情文采照二京試問時
流有誰堪並生功名之事未知如何末莫向蓬蒿延頸有
日飛騰搏風兩翅九萬程重振舊家聲依然故里榮合前

前腔生斜日柘林風靜。征人汗滿纓。田父正躬耕。對此艱難。迷心重醒。末當此炎天公子王孫多少。會受用怎知。征人辛苦。生何處涼亭。酪酏散髮。層冰人生。總爲名利縈瀟。洒羨嚴陵。滄江弄釣。曾合前

前腔末縹緲紅雲墜。影荆山暑氣清斜。日槿花明。舉目黃沙。悶人時景。生那山頭上是猿啼麼。末何處猿啼深嶺。腸斷三聲。回頭故鄉。初一程緩轡。話離情。淒淒芳草生。合前

生下馬停車日已斜

末故鄉回首碧雲遮

合離愁最是關心處

風葉蕭蕭噪暝鴉

第三齣

念奴嬌外扮劉震尚書上。罷朝初下。未央宮侯吏朱衣前。擁蒲袖天香歸。甲第夾道綠槐陰重。日上鰕須。風裊龍涎。別院笙歌哄。太平歡宴。仰荷一人恩寵。

踏沙行

紫閣垂勳黃金橫帶。人生富貴誰堪比。八方無

事且爲歡。一年好景君須記。美酒繁弦海榴池。葢芭蕉葉展青鸞尾。金盃角黍送流年。伴他兒女花前醉。自家學貫天人資。兼文武。敢竭孤忠報主。惟將正色立朝官。階已占六曹中名位。早登三事。列運北斗之樞機。統尊列宿。作九天之喉舌。職亞三公。忠不怠乎一飯。誰言錦幙幔天。貨必足於四方。要使青錢流地。正是關節一毫。

無地入公廡兩字只天知下官劉震官拜戶部尚書租
庸使夫人崔氏小女無雙老年無子痛太玄之失傳弱
息知書幸中郎之有託且喜今日是五月端午早上分
付院子安排筵席與夫人小姐同賞佳節不知完備未
曾院子那里末廳上一呼階下百喏覆相公有何鈞旨
外我着你安排筵席在後花園水亭上完備了麼末覆
相公完備已多時了外怎見得末但見池館清幽風光
澹蕩器列象州之古玩簾開合浦之明珠水晶盤羊角
粽輕開錦束玉生輝琥珀酒琉璃鍾未解黃封香蒲座
石洞假山清泉細細碧梧蒼竹疎影離離走動的是朱
衣堂吏人人頭帶赤靈符吹彈的是紅粉佳人箇箇手
擎長命縷金雀斜簪墜馬髻畫船齊唱採菱歌端的好
筵席外既然完備請夫人小姐出來末遙傳黃閣命去
請畫堂仙下

花心動

夫扮夫人上年老心閒對日長只把貝經翻誦正

旦扮無雙上

睡足花臺浴罷蘭湯金蓮步出房櫳貼旦扮

採蘋上喜逢佳節風光好正滿園梧竹陰濃合向水亭瓜

果玉盃傳送相見科

菩薩蠻

外綠楊裊裊垂絲碧海榴點點燕脂赤夫兩兩

亂鶯啼穠穠梧竹齊旦微微風動慢惻惻涼侵扇合處

處遇端陽家家共舉觴(夫相公喚俺母子出來有何事
幹外)夫人當此太平之日下官備一盃淡酒與你同賞
(佳節旦)採蘋將酒過來(合)萬兩黃金未爲貴一家安樂
值錢多

(畫眉序外)揖酌酒上金卮泛蒲綠撫景停卮感心曲歎千
年湘水此日沈玉名未泯角黍空傳人去遠招魂誰續(合)
大家酩酊酬佳節莫負太平風俗

(前腔夫)新篁展脩綠玳瑁筵開畫欄曲看座排冰島笛傳
蓮玉見滿眼虎艾爭鮮正西苑龍舟相續(合前)
(前腔旦)脩眉遠山綠粉汗流香浸眉曲自持觴勸酒皓腕

(紫玉)願白頭長享天年結綵線不須人續(合前)

(前腔占)輕盈舞裙綠獨抱琵琶度新曲漸髻偏金鳳釵橫
紫玉掠紈扇乳燕飛來亂急管新蟬相續(合前)

(滴滴子外)你道是你道是侯門風味不俗又誰知又誰知
閨閨幾多不足日宴未炊餠粥可惜尊前白苧歌總是蒼
生哭(但願君心化作光明蠟燭)

(鮑老催天)繁華輦轂人人齊唱昇平曲家家都泛菖蒲粟
休眉皺且放懷消清福人生百歲歡不足休把愁心惱弦
管頻開笑口傾醴醕

(滴滴金旦)上林葡萄膾甘如肉南海水鱗氣猶馥玉槃犀筋

寒生指畫堂中新酒熟。環羞溢目。嬌歌艷舞。相催促相催。促休教日近。青山麓。

鮑老催貼。香風亂撲。顛狂粉拍穿。金粟高低。玉剪飛華屋。把瑤筵近。鳴泉臨喬木。生綃扇兒休揮。觸清風自有涼亭。竹風來也。髮簌簌。

雙聲子合弄潮罷。弄潮罷。何處蘭舟逐。採菱歸。採菱歸。兩岸芙蓉綠。日已暮。日已暮。歡未足。歡未足。看月明。扶醉夜涼新浴。

尾酒剩花殘。下金谷。月白風清歸去促。可惜明朝。又初六。外侯家庭院好風光。夫骨肉傳盃笑滿堂。

且但願太平常會面。合年年此日賞端陽。

總批 曲俱切景。不雜一字。作家作家。

第四齣

玉漏遲生上辭家浪遊。歎山勞。匹馬水怯孤舟。紅檜香中。一聲越鳥。添愁回首。故園池館。清風滿。没人消受。么名成否。先自將人。憔悴。

前腔末上風塵奔走。歎肩挑棗劍。汗透征裘。綠柳陰中小。姬喚客。鑪頭正值馬疲人倦。無由得解鞍。沽酒生婚成否。先覺春心暗透。

生迤邐行來不覺早。到京師也。末官人你看京師好景。

致生怎見得末只見六街車馬三市人烟慈恩寺金刹
 參天灞陵橋垂楊拂地花簇簇三百六十行買賣錦重
 重十萬八千戶人家朱樓綉檻有十里香風水閣涼亭
 沒半星暑氣酒肆中賣的是蓮花白竹葉清都鮮金龜
 同一醉勾欄內坐的是李端端蘇小小笑歌新曲解留
 人金章紫綬達官貴戚去朝天白狗蒼鷹公子王孫來
 打獵八柱巍巍標玉闕五雲繚繞擁王居果然好景致
生此去劉家多少路末兀那里是劉相公府前也

生千里襄流冒暑携書上帝州龍城暮遙看宮闕紅霞
 覆且淹留訪恩盟重叙當年舊末暫向垂楊繫紫驢拂拭

從去垢朱門十丈蟠雙獸合試將輕扣

可腔夫上相府深幽何處兒郎敢逕投分明看原來年少

苦家秀生拜夫慰離憂比別時精采渾如舊生三載南中

望斗牛遙想恩光厚合弛裝共話違離久乍消清晝

夫孩兒三年不見這般長成了此來為求科舉麼生小

生有兩件事一者為取功名二者不敢說夫但說不妨

末官人要求小姐的親事夫笑原來如此這事是老身

說起又是你母親遺命都在我身上好及教你成就生

全靠舅娘攬掇夫舅舅早回來也

絳都春序外上官高祿厚見豺狼當道怎生罷休猛判扣

碎金階首從教洗淨朝班垢怎容他奸謀成就夫親情避
迥情寬懷抱放下閒愁相見科

前腔生拜遠來相候合歡欣怎生反皺眉頭末想東人衣
冠禮貌多踈漏夫莫非老妾逢迎後有緣由望君明剖外
朝綱大事區區兒女何必追求

夫相公甥舅相逢合當喜歡怎生雙眉倒豎怒氣冲天

外夫人賢甥遠來我豈不喜爭奈丞相盧杞奸邪不忠

人皆號爲藍面鬼下官適來入朝再四奏他奸惡乞將

梟首示衆聖天子不從因此煩惱夫相公你官非御史

職非諫議管這閒事怎的外下官受朝廷厚恩那一件

不該說生只一件盧杞這厮最能害人只怕舅七反遭

毒手外這箇我也顧不得了末甥舅相逢閒話請休題

夫正說得是請孩兒到水閣上三盃洗塵外左右將酒

過來

皂角兒外把箴唱念荆花早年失偶喜芝蘭這回重茂仔

細看舉止端詳分明似母親趨走惟願你向書窓攻筆硯

取科名揚姓字光輝伊舅合親情別久且同盃酒涼亭瓜

果論心叙舊

前腔夫看孩提短髮覆首又長身聰明俊秀笑吟吟出語

溫恭意孜孜慇懃問候多謝你渡三襄涉萬里冒炎蒸衝

瘴厲遠來生受合前

前腔生念孩兒孤貧落後謝姪提携成就恨十年寂寞
寒窓知何日經綸展手試看我萬言書八韻賦獻金門朝
玉殿獨占鰲頭合前

前腔末念小人囊中奔走長只想長安花柳喜今日得遂
初心又感戴恩官息厚惟願他受君恩食天祿利名成婚
姻遂帶挈風流合前

外孩兒科場未到且在俺府中攻習經史何如生多謝
舅舅夫塞鴻收拾行李入西書院去來末領鈞旨

外一旦悲歡見魏舒夫風流猶是昔年餘

生科場敢負先人業合客邸須看舅氏書

總批描情寫景種種逼真

第五齣

番卜筮淨扮盧杞上名位廟堂尊掌握乾坤運鷓鴣奮翼
逞風雲不奈烏鳶晒

笑科自家不是別人盧丞相的便是幸然遭際聖明端
的恩寵無二一味甜言直教天子點頭半腔反意驚得
百官心碎斷公事只逞私心決民情全憑勢利拽扎起
溫元帥面皮猛放着閻羅王威勢不平不直的秤鈎肚
腸半青半紫的染皂心地不要長槍大劍真箇殺人手

段高強生得利齒伶牙端的吃人腦髓不恕諸王公見
我低頭衆文武誰敢出氣生前得逞雄豪死後猶然得
意內云怎的得意淨笑若不去三家村中做牛便罰去
十八層地獄受罪下官盧杞欽承聖恩官拜平章政事
百僚趨承恐後爭奈戶部尚書劉震這厮索強前日彈
我欺君誤國要將梟首示衆好笑下官得何罪過受此
極刑眉頭一感計上心來我有故人名爲王遂中見做
金吾衛大將軍重許陞賞着他夤夜刺殺這厮有何難
哉左右那里末上堂上雙呼字階前應一聲覆相公在
何鈞旨淨你去請金吾王將軍過來末諾轉過金梁
來到脩行里此處王家府前了王將軍有請

上林森 丑上武勇從來四海聞掌官軍九重親近

相見科淨金吾請坐丑恩相在上下官怎敢淨請坐有

話相告左右的迴避末天上人間方便第一下淨金吾

你起手是甚麼官丑小官金吾衛小校淨如今是甚麼

官丑金吾衛大將軍淨怎的驟陞到此丑賴恩相提拔

爭你既知恩報恩下官有一事託你一幹丑伏聽使令

淨尚書劉震平素和俺無讐近日奏過官家要將下官

梟首示衆幸賴聖明不聽他說你道情理也不情理丑

端的無狀淨俺待奏聞朝廷把他黜退也不甚難只是

消不得胃中一點不平之氣欲使一人刺殺這厮滿朝
看來只有你膽勇你敢去得麼丑背云這殺人事非通
小可不去恐丞相見怪罷罷丑云下官雖然愚勇只有
汗馬上本事這刺客手段却做不得下官有一故人心
如肅政謀比荆軻姓古名洪見做羽林衛押衙之職幼
年曾爲父報仇殺人又以奇計得免若用此人無有不
成爭我也素聞古押衙之名快去糾合他來事成之日
賞賜千金拜官三級丑事不宜遲下官明早就去淨金
言丑小要洩漏天機丑下官怎敢

淨俺威權海內稱尊怪不逞犯逆鱗須當快意斬

竟除根此行機密用心防慎合若得他一朝消盡胃中恨

千金負不須吝

丑他平白地惹起灾迤赴猛火自燒身報讐烈士都

下名聞此行唾手管教隨順合前

淨堪嘆匹命徒丑好似撲燈蛾

合恨小非君子無毒不丈夫

總批刻畫盧相奸雄亦甚似

第六齣

臨江山旦扮無雙上蟬吟蚊靜人初起朝霞掩映庭堦
貼扮採蘋上乘涼試捲絳綃衣合風前開翠榻窓下綉花枝

集句旦綠樹陰濃夏日長貼瓊珠簾箔掩蘭堂合繡牀
斜凭嬌無那燒盡金鑪百和香旦採蘋連日暄熱不曾
和你做生活今早天氣微涼好做此針指貼姐姐奴把
綉絨花樣牙尺剪刀都擺在石卓兒上請姐姐坐地
賞宮花旦東方尚低微涼入絳幃梧月餘殘影花露未全
晞貼有意只盤金鳳線無心去聽乳鴉啼

生上未遂東牀志先窺綺閣人小生爲親事而來爭柰
舅舅全然不提起来未知成敗若何小姐又不能勾厮見
好生納悶今日打聽得小姐臥房在畫閣兒下只做不
知一直撞入去飽看一回多少是好

師千序生悄步香閣西行傍紗窓試一窺只見一庭兒花
木別是幽奇張科元來小姐和侍兒做生活哩只見兩兩
紅粧相對看他玉肌香雲鬢薄春纖嫩笑拈針指低低偷
眼隱隱蛾眉

降黃龍旦金剪輕携手把鮫綃巧裁新製金針下處繡鴛
鴦並戲蓮漪貼香閨重門深閉似嬌花繡幙紅圍不許他
狂蜂斜睨粉蝶輕窺

前腔生鍼兒引線休遲願效鴛鴦與伊戲水鮫綃莫剪怕
剪斷兩下牽絲痴迷他含情無意怎知道人在窓西正是
那花心未拆蜂蝶先知

前腔旦長吁汗透香肌日上庭梧頓添煩暑釵橫髮墜綉
停鍼統扇頻揮貼須知炎蒸堪畏荷亭畔剩有涼颺只爲
那閨門禮法懶去閒嬉

前腔生炎威炙損嬌姿怎如和我涼亭共戲醉荷風碧簟
相依你那一聲長嘆呵堪疑芳心何處莫不是想着佳期

休長嘆佳期咫尺就結于飛旦採蘋是誰在窓下

袞遍旦誰來繡戶窺忙啓紗窓覷貼却是王家哥哥爲何
到此奇俊王郎到此緣何事生在老夫人處問安錯走了
路到這里上堂容啟花底路迷問仙娥肯容人到月宮裡

旦採蘋你和他說這是我臥房外人不得至此

前腔旦中堂多禁忌不許閒人至年少無知就裏藏好意

貼這是小姐的臥房老夫人處問安不打從這里去生

小姐忒薄情也我是東床嬌婿把做外人厮覷便畱住

繡房中誰說你

旦快出去老夫人知道不好意思生小生也要出去爭

奈不認得路貼哥哥我送你出去生不要送出去只要

你送進去貼胡說老夫人來也夫上生雙手擘開生死

路一身跳出是非門下夫乘涼課兒女病暑步池亭老

身這幾日天熱不曾到女孩兒房中今日須索去看他

做生活相見科夫孩兒做甚麼旦孩兒見天色微涼與

探。填。做。此。針。指。夫。好。好。我。兒。你。生。於。富。貴。正。要。習。此。勞。
苦。他。日。好。去。人。家。做。新。婦。且。貼。謝。母。親。教。訓。夫。日。已。將。
中。天。道。漸。熱。暫。歇。一。餉。隨。我。去。來。夫。莫。尚。富。豪。門。且。須。
知。習。苦。辛。合。成。人。不。自。在。自。在。不。成。人。下。生。上。無。端。枝。
上。黃。鶯。噪。驚。散。花。心。粉。蝶。飛。小。生。方。纔。大。胆。走。入。小。姐。
臥。房。見。他。正。與。侍。兒。做。生。活。果。然。生。得。好。但。見。幽。姿。絕。
世。嬌。艷。驚。人。渾。如。膩。粉。捏。成。便。是。畫。工。難。寫。滴。溜。溜。鳳。
眼。朦。朧。勾。引。人。魂。無。定。曲。灣。灣。蛾。眉。澹。掃。巧。傳。心。事。多。
般。輕。盈。笑。靨。低。頭。微。哂。有。餘。情。裊。娜。腰。肢。叉。手。抱。來。無。
一。捻。津。津。檀。口。生。憎。酷。暑。嬌。吁。脉。脉。冰。肌。可。怪。清。涼。無。

汗。幾。句。嬌。嫩。聲。音。分。明。似。金。籠。裏。學。語。雛。鸚。鵡。一。點。聰。
明。性。格。合。喚。做。綉。榜。上。風。流。女。狀。元。脚。上。鞋。兒。三。四。寸。
步。步。生。蓮。髮。邊。釵。子。十。二。行。雙。雙。舞。鳳。恍。疑。金。菊。對。芙。
蓉。却。是。笑。倚。侍。兒。肩。上。忽。地。梨。花。籠。淡。月。元。來。嬌。臨。玉。
鏡。臺。前。傍。人。私。語。細。細。口。脂。香。憑。欄。閒。行。珊。珊。雜。珮。响。
作。賦。吟。詩。人。人。盡。說。蔡。文。姬。的。再。世。描。鸞。刺。鳳。箇。箇。皆。
稱。薛。夜。來。的。神。鍼。石。槓。陰。畔。似。蓋。宮。仙。子。揚。州。兩。兩。玩。
瓊。花。蕊。苗。沿。邊。如。洛。浦。佳。人。水。上。盈。盈。步。羅。襪。只。疑。他。
麻。姑。有。緣。過。蔡。經。偶。然。留。鶴。駕。莫。不。是。雙。成。無。賴。惱。王。
母。暫。請。下。塵。寰。可。惜。花。朝。月。夕。何。時。同。醉。合。歡。盃。恨。無。

玉管鸞笙與尔同乘雙鳳去但望高堂成事與伊綉帶
結同心仔細思量小生的稱揚有盡小姐的嬌媚無窮
若得與共枕半宵也不枉為人一世正待和他說此知

心話兒那不做美的夫人撞將來好悶人也呵

皂羅袍生誤入桃源洞裏見香香深處裊裊仙姿嬌羞終
是女孩兒隔窗掩過香羅袖嚶嚶小語問郎路迷低低微
笑勸郎早歸莫不是人前巧做出猜嫌計

前腔生正好粘花惹絮怪東風無意吹散芳菲春光一去
杳無期陽臺望斷人千里歸來如醉餘香滿衣支頤坐想
芳心暗飛恍聞耳畔嬌聲細

紗窗深處見卿卿 隱約香肌百媚生

好似淡雲籠月色 嫦娥態度不分明

總批寫情寫景都有餘妍

第七齣

似娘兒外上松栢古心存差玉樹寂寞無人蘭心蕙性閨

房潤雀屏欲啓鸞儔未偶閒中慢自評論

事不關心關心者亂下官六十餘歲止有一女名曰無
雙年紀長成不曾許嫁我意欲招一佳婿在門只沒有

一個門當戶對的且等夫人出來與他商議

風馬兒夫上女貌郎才請東君早成佳配

相見科(死)夫人古者十六而笄二十而嫁女孩兒年登
二八正當其時前日多少公子王孫求聘只爲沒箇中
意的今日想起來咱和你年紀高大這事不可不早定
(夫相公不問老身不敢多言昔日外甥王仙客在門下
自小兒聰明與女孩兒年相若貌相似我曾許他爲配
他母親病篤之日又是你親口許下况兼此子學問不
凡人才出衆妾意欲成就前言相公意下若何(死)夫人
差矣仙客乃先姐之子與女孩兒中表兄妹於分有妨
怎生成得伉儷(夫妾聞中表無服可以成親昔温太真
娶其姑之女下玉鏡臺爲聘至今以爲美談相公昔日
許下今日何出此言(死)當初先姐病篤苦求此事我只
回他說你自調養病躰也不會許他今日斷然不可矣
相公聽老身說

金索掛梧桐(夫)心知宅相賢口許東牀選熱面應承冷語
今更變丈夫然諾重如山暗室私心鬼神見休言閨閣無
人聽只恐閭閻有話傳休辭辨勸君肯首莫負煠鬚言合
想婚姻都是前緣慢勞你爭長短
前腔(外)當年姊病纏爲子求婚眷仔細沉吟此事非吾願
當時只把病人寬那肯輕將語言騙不曾媒妁期千萬何
必慇懃強再三休胡亂的親中表怎結百年歡(合)前

末莫將盟約等閒乖

外只怕婚姻未必諧

合萬事不由人計較

一生都是命安排

總批讀來便覺欲真

第八齣

祝英臺近旦扮無雙上豆花風梅子雨醞釀晚涼淺罷綉
停針長日正人倦貼扮採蘋上乍堪象簟侵肌鮫綃映肉
初睡起微微香喘

卜筭子旦睡起玉肌涼人靜重門閉永日深閨寂寞愁
暗滴珍珠淚貼風弄菱荷香雨洗梧桐翠且向池亭玩
物華莫把眉兒聚旦採蘋寂寞閨門昏沉暑執真箇好

悶人天氣貼姐姐池館清涼風光瀟灑我和你受用不
盡有甚麼煩惱旦你怎知我有煩惱處貼姐姐每常問
見你歡天喜地今日眉頭不展面帶憂容爲着甚麼旦
我心上有事你休纏人貼姐姐你心上不快和你到後
花園池亭上耍去旦也能

祝英臺旦行月眉攢雲袖驪低首損春妍粧罷層樓步入

閒亭風約綉幃香捲貼姐姐你看池裏荷花都開了旦羞

看藕花開得雙頭只怕秋風吹散悶對景冷落碧梧池館

前腔貼瀟灑向涼亭臨曲沼瓜果薦新鮮閣對秦山簾展

湘波侍女頻揮紈扇旦你不知我心上自有不足處貼無

端侯門受用豪華却把雙蛾愁歛日斜也何事不炊茶飯
且採蘋你兀自不理會貼姐姐端的有甚事說與妾身
知道旦歎科但說不妨旦這事不是俺女孩兒家說的
罷罷你是我心腹之人和你說昔日王解元從小兒在
我家長成老夫人愛他只說招他爲婿姑娘臨危之際
老相公親口許了今日王解元到來老夫人說起此事
爹爹把前言悔過只推不曾教人如何不悶貼元來恁
的姐姐老相公既然不肯成就只索順從他没來由煩
惱甚麼旦父命我豈不從但婚姻一言爲定女子從一
而終姑娘在日便許了他今日人亡事變却悔賴他的
爹爹官居臺閣須被外人耻笑貼姐姐世間多少貴公
子美少年任從老相公許了一個何必留戀這個窮措
大旦你說那里話

前腔旦堪歎事多磨人間阻就裏淚偷彈天日深盟風月
芳期一旦雨覆雲翻貼這親事又不曾受他茶禮便退了
也不妨旦休言縱無六禮雙羊柰一言難變便成也竟與
檀郎爲伴

前腔貼姻緣本天生非人意煩惱也徒然老相公呵愛情
嬌娃別選豪門肯顧一句虛言休偏五陵年少如雲在把
貧儒留戀從親命且自逍遙排遣

前腔旦心堅守松筠甘水藥寤寐栢舟篇爹爹呵你把連
理分開並蒂摧殘只怕女蘿纏綿貼姐姐見說王解元家
寒若嫁了他須索受些凄楚旦不怨從教受凍擔饑怎肯
嫌寒就煖我彩鳳羞與比雞作伴

前腔貼堪憐守前言敦舊約真箇女流難不負才郎忍背
嚴親一點真心百鍊旦你才知我的心事貼惟願高堂意
轉心回綉閣花開月滿那時候偕老雙雙歡宴

貼謝科賤妾不知姐姐這般貞性一時唐突了旦且不
要。和。別。人。說。

旦莫打南來鴈。
貼從他作伴歸。

合打時雙打取。
休遣兩分飛。

第九齣

高陽臺引小外扮古押衙上近侍龍顏長隨豹尾朝朝
陞持戟暫賜餘閒高情懶去遊逸金魚乍解還家樂掩竹
扉車馬無迹捲征袍臥看黃卷自消白日

老夫姓古名洪本貫京師富平人也自小武藝精通豪
俠好義昔日爲父報仇殺人於都市之中又用奇計脫

逃得免其死如今年近六旬見做羽林衛押衙之職京
師人都喚我做古押衙今日罷朝閉門高臥不免取一

卷古書看來消遣正是暫拋虎畧龍韜且玩瑩囊靈簡

前腔丑上奉恩官釣旨機密特來求訪十年相識若遂良
圖兩人富貴不失外忽聞剝啄柴門扣整衣冠下堂延客

合正清間相過談笑頗消岑寂相見科

小外金吾因甚光降丑下官多時不曾拜謁今日特來

小外必有緣故丑背云且住不要直說且把幾句話兒

打動他丑小子沒甚事今日放假在家閒坐不過特與

老兄談論一番小外最好丑不知押衙在此看甚麼書

小外老夫看的是左氏春秋丑那左傳上有一箇鋤麀

可謂義士小外笑將軍何以見得他義處丑晉靈公惡

趙盾強諫遣刺客鋤麀刺之鋤麀見趙盾是正人不忍

下手就觸槐而死世上誰人不怕死鋤麀為忠義上視

死如歸豈不是箇義士小外將軍差矣大凡刺客要識

人心以趙盾之賢晉侯無道誰不知之鋤麀不與他去

便了直待臨下手時方才知可不枉了一死

高陽臺序丑乍感丹心潛收白刃肯把忠良殘賊義烈忘

身莫名至今如昔小外愚客平生不識人邪正到其間悔

之無及死孤槐空為怨鬼有誰憐惜

丑鋤麀既非義士那史記上有一荆軻可謂義士小外

笑金吾何以見他義處丑燕太子丹與秦王有隙使荆

軻刺之秦王絕袖遶殿而走荆軻知事不成倚柱談笑而歎當時秦王何等威勢荆軻畧無懼怯豈不是個義士小外金吾又差了大凡刺客要識時勢以秦王之強燕國之弱縱刺得他怎肯干休荆軻不與他去便了事既不成把燕國指日而亡可不枉了一死

前腔丑感激計就牢龍身探穴虎精感長虹貫日談笑捐生祖龍爲君虺魄小外狂客何如早謝當年寵事無成枉勞心力歎秦庭分明兒戲自傾燕國

兩個古人之事不必說了請問押衙刺客的事你幹得

慶小外這個何難老夫少年也曾爲父報仇來丑假如今日有個貴人擡舉你他着你去刺個仇人出一口氣你去也不去小外果然待得我厚士爲知己者歎女爲悅已者容怎的不去丑押衙我方才見你是個義重之人敢以實告這里没人麼小外但說不妨丑卽今當朝大丞相有一個仇人痛恨入骨特使小子尋訪刺客刺得他的陞官三級賞賜千金小子知押衙謀勇一力舉薦押衙肯去和小子帶挈富貴小外大丞相是誰丑是盧杞相公一人之下萬人之上官家最喜歡的小外他和誰有仇丑他與戶部尚書劉震切齒之怨小外怒吓

你不說那藍面鬼也罷說着那藍面鬼毛骨都悚恨不
截此佞臣之頭却交我替他傷害善人古押衙是箇好
男子不爲此狗彘之事丑押衙休執迷

前腔丑相國久慕高風欲求耻雪特聘君爲刺客虎畧龍
韜施展正在今日小外一身武藝不替小人出力不去不
去丑休執邯鄲年少輕人命問誰賢與誰奸愚大丈夫
已逢青眼早沾白璧

前腔小外剛直義膽如天豪情蓋世孤懷一點忠赤肯助
邪謀忍把無辜殘賊丑好笑有這等英雄推做甚麼好個
不彀利的荆軻小外清白腰間匕首光如雪不染他忠

良血迹丑丞相自當重賞小外便封我做九鼎三公等閒
視同一擲

丑拜科十載交遊渾未識一番高論始知心元來押衙
乃天下正直丈夫因盧杞奸邪不肯替他行刺正是富
貴不能淫威武不能屈荆軻鉅麀何足道哉小子一時
唐突萬乞恕罪小外量老夫何足掛齒丑小子也不去
回話了由他自處

尾從今方見君心直從今不上奸人宅遠害全身爲上策

小不作奸臣用

丑高風千古欽

合路遙知馬力

日久見人心丑下

外吊場自古道將相不和國有大禍我今日盧杞那厮
因一人違忤便要用心害他真箇是盜賊所爲卽今內
有奸臣弄權外有驕將悍卒民窮財盡天下不日將亂
罷罷老夫做甚麼官不如向富平山中逍遙自在免得
他日成于亂兵之手解衣科
北後庭花煞解下惹閒愁青錦袍除帽科除下起飛灾烏
紗帽只爲虛飄飄送上那檀巍巍跨海橋等到了
是非窠玉殿高不如安樂窩茅屋好每日價對明月吹洞
簫弄春風醉碧桃向山中睡得牢喜人間事不到龍爭虎
鬪都休料牀頭留得葉樽在門外由他再雪飄只落得無
煩惱免受他塵埃縛任一任我雲海道遙

功名誤我未言歸

今日除頭早拂衣

且玩山中泉與石

不爭人世是和非

總批形容古押衙處實有英雄氣色

第十齣

傳言玉女貼上月榭雲窓暗把秋波偷望兩邊兒心腸搖
蕩爭奈你命裏星辰未暢東君無意在添悒快

章臺柳鴛鴦偶鴛鴦偶雙宿雙飛雙厮守驀地風波兩
下分鷓雄隔水都回首俺姐姐花容月貌王解元綉口
錦心正是一對兒夫妻誰想老相公悔賴前言不許成

就今日老夫人分付妾身上覆王解元的消息此間正是他書院門首不免叫他一聲解元在麼

形蟾宮生上思憶多嬌心技癢盼殺也人間天上是誰扣戶到書堂想是佳音說向

相見科你到書齋訪岑寂必有甚好消息貼好消息惡消息做不成東牀客生小娘子俺從幼兒與小姐有約今番老夫人做主眼下打典新皂靴整備做新郎也何出此言貼解元耐心直等那皂靴爛了方才和你說生小娘子有話報小生知道貼解元你那親事不成了也生休哄我貼誰哄你却才老夫人分付我上覆解元這事再四老相公根底攛掇老相公堅執不肯交你權且耐心生老相公因甚不肯貼解元你試猜着

托紅袖襖生莫不是笑書生貌不揚貼不是生莫不是爲嬌娥年未長貼不是生莫不是惜花心未許蜂蝶傍莫不是結綵樓未中綉球香貼也不是生怕咱兩箇年命相妨恐左右的讒言廝誑貼也不是生敢則是指望成名道我未遂風雲也直待象簡緋袍入洞房

貼解元你都猜不着生小娘子端的爲着甚麼

前腔貼俺姐姐正青春年齒恰相當生是小姐年長了貼覩解元又風流容貌真絕樣生笑科見小生的龐兒也看

得過貼綉球兒別箇怎着傍好花枝合付與折桂郎也沒甚刑剋相傷也沒甚旁人伎倆(生)不爲這幾樁事上却爲甚的不肯(貼)老相公只說中表的親難做夫妻也又道未有前言休妄想(生)天那兀的不悶殺人也

(前腔)生欺負我久漂零湖海旁欺負我未收成名利場分明是賴婚姻只把虛言誑不念我處孤貧父母蚤年亡你下得浪打鴛鴦我拚箇月滿西廂小娘子老相公雖然如此小姐必見怜我把一封書寄與多情也揖科結草啣環不敢忘(貼)解元這箇使不得

(前腔)貼老相公治家庭似朝廷有紀綱老夫人正家法似官法無輕放俺姐姐冰清玉潔不比鶯鶯莽待兒每心荒膽小做不得紅娘(生)小生自當重謝(貼)你便有金玉滿堂誰替你擔驚受枉他見了書問出根由也斷送芙蓉一夜霜(生)扯科(貼)閉門不管窓前月一任梅花自主張(下)生天那我母親在日親口許下今日人亾事變便推不曾舅舅你做公卿賴人婚姻是何道理

泣顏回(生)辛苦上京華爲嬌羞夙世冤家一心指與牽絲中選窓紗百年姻婭被東君半句無情話從前千樣深盟今朝一筆勾又公舅舅你好差訛枉教你身爲宰相坐官衙不把陰陽燮理配偶調和却來誤人婚嫁惱亂家法傷

殘風化賣脫空口無攔壩當年甜語應承今朝苦口推槎
榴花泣(生)我似尋春鶯蝶合採上林花他(以)棗李樹抱芳
姿直待東風嫁相女配夫一對兒不差些無端割捨好似
蚕蛾拆對絲牽挂我做了箇美玉埋沙他做了箇綵鳳隨
鴉么枉教鳳城春色慘無華枉教秦樓月被雲遮枉教銀
屏金屋空消酒一箇愁攢兩蛾一箇長吁倚遍朱欄下一
箇吹簫香口吞聲一箇看花淚雨如麻
漁家犯(生)他那里綺羅叢瀟灑文君俺這里翰墨林風流
司馬爭奈卓王孫倚富欺人則怕臨邛店出醜難遮據俺
萬才華千俊雅不怕他一點芳心不惹從今後歛却畫眉
妙手去把西廂琴和么空憶着捲羅衫同挽香車空憶着
折首蒲同鞭竹馬空憶着茶枰上同賭青梅空憶着東籬
下同嗅黃花把往事付東流如夢過不如不提起無嗟呀
負了鶯期燕約那此星前月下

撲燈蛾(生)糊塗鳳尾箋冷淡蛟綃帕魚鴈無人寄平地怎
生入馬也玉容何處盼香閣遠似天涯空交人淚珠沾酒
伊知麼伊還知道淚還加么愁看古聖書悶對先賢畫慵
羅扇把懶步醮糜小架也南窓初臥惱人的是蚊雷喧夜
才合眼又夢見嬌娃天知麼天還知道天應怕
尾多情自古多題魁料東君斷不把深盟罷准備着錦帳

鸞牀受用咱

且住明日是俺舅娘生日買些金珠首飾上壽交他再
四攬撥不怕舅舅不肯

一段姻緣天賦成

東君真地阻深情

從今添上相思夢

羞覩垂楊作對鶯

總批心中事筆筆如畫

第十一齣

夜行船引淨扮朱泚上乍解兵權嗟失勢似蛟龍困居淺
水運有來時升騰雲雨擾亂乾坤都碎

西江月腹內飽藏韜略軍中累建奇功威名千里鎮羌

戍雄據一方誰共失計來朝闕下飛禽自陷籠中他年
若得逞心曾地軸天關搖動下官朱泚是也蒙聖旨授
俺太原節度使只因兄弟朱滔使計勸俺入朝失了兵
權三年之內只在長安奉朝請閒居無事不能遂俺曾
中豪氣自古道蛟龍得雲雨終非池中之物有一日提
兵在手擾得他四海都渾罷罷不能流芳百世亦當遺
臭萬年末扮姚今言引外小外上奸相無謀太不忠賊
糧吝賞惱元戎一呼直使唐家亂社稷都歸掌握中淨
來者何人末跪白小將涇原節度使姚今言的是也昨
蒙聖旨着俺領兵五千前往征進討耐盧杞之厮剋滅

衣糧將糲食菜餅給與軍士小將一時氣忿射殺使臣
趕入宮中搶劫瓊林大盈二庫驚得官家走了雖然統
領強兵爭奈小將官卑職淺不能服衆今請太尉入朝
共成大事小將情愿執鞭墜銜淨起來多虧你好意下
官閒退之人不足與言末將士無主愿策太尉爲天子
淨且任大事不可造次下官有一心腹之交名爲源休
見做太常寺少卿與他商量方可成就左右你去鳴珂
巷請源少卿過來內應源少卿有請

番卜筮丑扮源休上治國五車書匡君三寸舌指揮若定
夫蕭曹顧昉興王業相見科

淨少卿知道麼此乃姚節度特來取我入朝共成大事
進退安出丑小子知道了唐德旣衰天下大亂奸臣弄
權於內藩鎮擁兵於外盍興播遷官殿空虛太尉不棄
此時入宮早正大位更待何日淨只怕人心不從丑一
紙詔書慰安中外收了唐朝舊臣一枝軍馬圍住奉天
擒了唐朝聖君天下指日而定分付長安九門軍士一
應官員盡都留下不許放出一個末此言正合我意請
太尉早行淨要俺做皇帝俺不去丑爲何不去淨俺怕
那平天冠重壓得朕頭疼也末又道是沐猴而冠淨沒
奈何告饒這等吃苦差使丑貼我十萬貫顧我做替身

去了罷末休補說就此入朝

節節高淨今朝志莫然遇良緣宵中豪氣方纔展乾坤莫

日月懸威名遠掃清四海無纖玷千年王業須史建合男

子要爲世間奇蒼天不負平生願

前腔末熊羆士五千敢爭先揮戈一指唐家亂迎英彥坐

法筵登金殿丑手扶赤帝功名顯關中事業何須羨合前

丑朱太尉好似草頭天子淨源少卿便如火逼鄴侯

末急忙裡少個正宮皇后合去盧家尋個赤脚丫頭

第十二齣

化天夫上婚姻自古天排列縱人意不容伊拆夾枉勞

口舌百千折到底終須定疊

姻緣姻緣事非偶然行事在人成事由天好笑我的相

公把女孩兒許下王仙客又要番悔今被老身再四苦

勸不過只得許允只一件自王仙客到此半年並不曾

與孩兒厮見今日既無妨礙不免喚他兩個出來少叙

兄妹之情他日方諧夫婦之禮多少是好採蘋去請王

解元和小姐出來內應解元小姐來也

紅林擒生上獨守書齋熱枕篔因誰設羞靚南園雙蝶旦

粉汗滴輕綃粉淚相和結貼相看一水銀河越合何日裏

共懽悅相見科

夫孩兒爲你兩人的親事我費了多少口舌今日且喜相公許允着我揀箇日子與你成親你兩個向前相見不妨生旦對拜生旦揖夫科多謝舅娘攬掇貼老夫人在上不知解元和小姐幾時成親夫待我揀箇黃道吉日貼據他兩人心意則今晚成就了罷夫丫頭胡說老相公回也

神伏兒外狂兵犯關狂兵犯關鑿鑿播越鑿鑿播越想微臣怎生拋撇只得相隨遠涉不忍把國恩割又不忍把私

恩割

夫人鎖却大門鎖大門相見科夫做甚麼荒張外夫人不好了不好了涇源節度使姚令言作亂殺入宮中天子帶領宮人出苑北門逃走了我要隨駕放家中家小不下特來說知合天那怎生是好外事不宜遲王仙客押着細軟家私與塞鴻先行只在灞陵橋尋一箇店兒安下我與夫人小姐一家兒隨後來也事定之日我把無雙與尔爲妻生許我老婆性命也不顧了就此起程先去

憶多嬌生末拜外夫清平世禍事發兵戈散作禁禦血天子倉黃下玉關合舉家安貼骨肉一朝拆裂前腔旦貼深閨裏嬌又怯何曾禁得這磨滅翠袖弓鞋怎

跋涉合前

黑幕序生承尊命此行敢辭辛切平日深恩拚生報答夫
小心去莫蹉跌密迹藏形休教漏洩合烽烟起滅刀兵又
布列舉目相看淒涼此別

前腔外伊今去行裝好生打疊謹避兇徒防人換竊未灞
陵店相候也早早脫身大家遠達合前

外夫百官何日再朝天

生關塞蕭條行路難

旦貼別後不知何處宿

斷腸回首各風烟下

步步嬌

生旦吊場惆悵芳池花欲吐無那驚風擺旦恰似

兒女心苦被無情兵戈所害合無緣繡閣兩交杯有情別

館雙垂淚

旦解元唱兩個百樣相思半年斷旦方才得成好事誰

想又成畫餅生小生爲小姐眠心夢想廢寢忘餐受了

萬千苦楚甫能到手又遇此大變怎生是好

園林好生爲情事辭家遠來守佳音幾番魑魅幸喜得高

望意改合誰知道這遇飛灾誰知道又難諧

前腔旦繡幃裏幽恨滿懷乍相逢欲將言解爭奈他時光

不待令相看處各癡呆相看處淚盈腮

正兒水生迢遞關山苦淒涼客館昨補還了一段虛空債

這狂徒那曾把官軍敗單打破俺鴛鴦會攪亂情山慾海

金把花燭歸房翻做了兵戈出塞。

前腔旦永別芙蓉帳輕拋翡翠堆去奔馳萬里塵沙界解
元此去前途千萬安心耐須將薄命同挈帶休得偷生違
自合但願天意周全一區平安自在

生小姐何出此言

五供養孤身無奈久受深恩臨危怎推便教肢體碎怎
把舊盟乖犯則何埋生則同車共載只愁衝暑氣瘦損玉
肌胎合若得重逢瘦樵何害

旦此去路上保重不比太平之日

前腔旦潛行關隘好用心機董避虎豺金珠須密護他是
害身媒炎蒸堪畏好好加餐自愛解元更有一言相告生

小姐有何見教旦休將書卷廢留待桂花開合若得重

逢何必要官階

生感承教誨之言小生不敢有忘旦解元此去無可表

意妾有明珠一雙名曰夜光珠光照百步價值萬金乃

朝廷賜與爹爹之物妾自幼寶藏在身今日分一顆與

足下倘若思想薄命舉此觀之如見妾之一面生此乃

國家之重寶小姐之鍾愛小生怎敢分愛旦解元不須

多遜解珠遞與生科生小生多感厚惠揖科

玉交枝生明珠無賽荷佳人分賜不才看那恩光照耀行

裝外小生不敢褻瀆。綴向領巾長戴。情多不敢把首擡。意深肯爲千金賣。合怕書生無福受財。怕龍神無端見猜。

旦此二珠就如我和你一般。

前腔旦明珠堪愛。正相從把他拆開。願他年合浦重相會。一對團圓長在撫摩。如見妾體材依棲。長繫郎巾帶。合休教他塵埃暗埋。休教他孤單自回。

內城中緊急請官人早行。生小生不敢久駐。就此拜別。

川撥棹生辭鸞鏡別。鳳釵出龍城衝虎砦。料此去故國難來。料此別禍福難猜。望斷京華甚日回。

前腔旦徒跣干官哭。草萊萬戶傷心散。滿街早知道好事難。諸到不如不遇。裙釵喜無多。怨滿懷受虛名擔。福胎。

內快走快走。

尾生旦哭佳期此去。何時再但願得民安國泰。那時重返。

鄉園同斟合盞盃。

生珍重佳人寄好音。旦望兒不見涕沾襟。

合徒勞掩袂傷紅粉。不辨仙源何處尋。

第十三齣

滴溜子外夫上四下里四下里。四下里兵戈布擾。一家兒一家兒。殘生無靠。旦貼可憐繁華盡掃。風霜萬里。程馳驅怎了。合默禱蒼天暗中相保。

外夫人此處開苑門了夫相公快叫開門外叫我是官
員要趕車駕哩開門開門內應不開不開朱太尉做了
皇帝一應官員不許放出外夫人元來朱泚僭位不放
官員出城旦天那這事怎了貼呀門上早有人來也外
快回云罷

啄木兒外大哭唱君恩重臣位高萬里從君敢憚老本待
要電赴星馳怎脫得地網天牢遙瞻翠華雲縹緲合皇皇
此身籠中鳥怎能殼奮翼凌風入紫霄

前腔旦貼哭唱辭蘭檻駕鳳輶未慣風塵愁路杳又誰知
百尺龍城到翻做九關虎豹一門百口真難保合皇皇此
身魚上釣怎能殼擺尾搖頭入海濤

外 羝羊觸藩

旦 進退兩難

台 猛判一死

萬事由天

第十四齣

生上箭入昭陽殿笳吟細柳營內人紅袖泣王子白衣
行小生與塞鴻監押行李在灞陵橋下等候他一家兒
看看不見來已着塞鴻看守車擔轉來問箇消息此間
是開苑門了呀只見旌旗成陣刀劍如麻家家狼亡鼠
竄處處鬼哭神嗥怎生是好

北正宮端正好淨扮軍士上守龍城鳳殿奉將令謹閉

天關羈身怎敢逃危難遙見烽煙滿

俺乃守門軍士的是也這般時節兀有人行動哩元來是個秀才這秀才好大胆生揖科敢問壯士城中消息如何淨秀才你還不知哩你聽我道

滾綉球淨涇原軍馬強都下人心亂姚將軍搶入含元殿生禁中有羽林軍他怎生容易進去淨驚得那羽林軍沒個當先生不曾劫掠麼淨瓊林藏劫成空大盈庫化爲煙攪沸了三宮六院生不曾驚犯官家淨官家的帶領后主官員生投那里去淨單車宵遁咸陽苑一夜星馳走奉天暫且偷安生城中有誰人做主

叨叨令淨朱太尉且權知六軍班源少卿勸他登白華殿

生朱太尉人臣登天子殿敢是造反了外朱太尉做皇帝多時也將二百年社稷些時換生城上許多軍馬何處來的淨又把莽徒兒分守城頭遍兀的不驚死人也麼歌兀的不怕死人也麼歌雲旗雨箭連天暗

生諸王公子何在

倘秀才淨諸王公走的生留的斬生衆妃嬪何在淨衆妃

嬪一半休一半散生南衙文臣淨文臣每拘留且拜官生

北司武臣淨武士每總投降都納款令出如山生你昨晚曾見一個官員領着十乘輦車子出城麼

滾綉球淨昨晚日銜山曾向城中見生怎的打扮淨見一個紫絁袍大官粧扮生後面有甚麼人淨隨行的十乘車都挂青氈生正是俺劉相公了淨荒荒脫劍林忽忽著金鞭欲待要他方避難生他要趕駕哩曾出得來麼淨猛可裡殿上傳宣生賊人傳令怎麼說淨他道四方商賈都留下一個朝官不放還緊把門關生端的出城不得

白鶴子淨一任你快馬輕車何處去除非是駕霧騰雲走上天生壯士哥哥怎生與俺通箇音信自當重謝淨兩下

裡音信不通生不知俺舅舅一家怎生模樣淨一家兒生處難判生哭舅舅想必是你也淨秀才此處正是軍馬出

沒之地快走快走

煞尾淨妖氛塞玉關黃霧漫天金殿君王的兀自保不得親家眷窮秀才空指着京華淚痕滿下

生哭科元來我舅舅一家都被朱泚留下苦我直如此薄命千辛萬苦到得京師求取這親事母舅再四不肯再能求告得肯又撞着這般亂世小生本待要將舅舅家私帶回襄陽去又怕路上難行不如棄了行裝只帶小姐所贈明珠走回故鄉再做區處正是寧爲百夫長莫作一書生下

末上有心尋故主無計度餘生小人塞鴻的是也老相
公着俺與官人監押行裝在灞陵橋相等過了一夜相
公不見到來官人回去打聽也無音耗小人將帶行裝
出得客店來正撞着南山賊寇一會兒將車馳箱籠都
打劫了去萬貫家貲付之一空小人原是太安府人自
幼會織紗段回去替人織紗糊口度日且待賊平尋覓
主人未遲哭苦俺思想起來一家兒千般富貴三日間
變出萬種淒涼不知老相公一家生死如何我主人王
解元去向如何正是天有不測風雲人有旦夕禍福

第十六齣

漁歌子外扮李晟上義聲高忠膽烈仰天叱咤秋雲裂
龍驤平鼠竊指顧掃清宮闕

下官李晟的是也官拜神策行營節度使因聖駕避亂
奉天朱泚僭位京國下官誓率三軍志清國難內無糧
餉外絕救援孤軍處強寇之內全憑一點赤心洒泣誓
勤王之師不挫半星銳氣慷慨言詞四方聞之決志英
雄氣槩羣賊望之寒心且喜上託九重之洪名下賴諸
將之效力一鼓而堅城破三戰而朱泚逃翠華重入復
見漢官之威儀王闕已平還是唐家之社稷肅清宮禁
祇謁園陵鍾簾不移廟貌如故朱泚這厮被俺殺敗逃

入西邊又差田子奇領兵五十追趕去了只今聖駕將到不免喚將士每號令一番多少走好將士每那里淨丑小外掃清四海烟塵重覩唐家日月覆將軍有何指揮外你每聽着今日賴將士之功勲掃清宮禁念長安之士庶久陷賊庭千官尚竄於草萊百姓未歸於田里出榜安民萬戶皆令復業歛兵不動一毫不許侵人分付軍中五日內不許通家信淨丑小外諾謹遵將軍嚴命末上密招殘寇防人覺遙斬元兇恐自專小將乃田子奇是也奉令公將令領人馬追趕逆賊朱泚到寧州地方被賊党韓旻把來殺了投降涇州去訖小將回來獻捷將帶逆賊首級在此外可喜可喜逆賊既已伏誅把來號令京師傳行天下末領鈞旨下

豹子令外壯志忘身平賊虜平賊虜義旗西指定山河定山河掃盡妖氛清國步翠華不日返神都合從今萬載固鴻圖固鴻圖

前腔淨厠鼠跳梁思變虎思變虎爭奈神龍威福未全無未全無天遣將軍來用武一朝收復舊皇都舊皇都合前前腔小外三載軍中多戰苦多戰苦今朝始得罷干戈罷干戈功寫凌烟誰似我聲名千古壯京都壯京都合前外漢將平明西破戎末捷書夜飛清晝同

合今日時清兩京道

長安白日照春空

第十七齣

瑞雲濃外上海宇重清四境乍收鋒火夫舊日山河再安妥旦貼全家百口向成裡別偷生路合無禍明知是蒼天回護

外夫人且喜昨者李令公軍馬殺退賊兵朝廷大駕自奉天起程將到京了夫相公當時一家陷在圍中只道外朱泚這廝但見朝官都要拘來重用只不知怎的獨遺落了下官且旦爹上倘或那時召你從也不從外說那里話倘若用我時學取段司農以外擊賊而外斷不從他貼相公一家兒完聚皆是神明護持外正是安排香案全家都拜謝天地則个

一江風外論平生一點忠心在决不將身汚謝神明委曲周全得脫了狂徒禍多少遇兵戈人離與家破合怎得似百口還如故

丑小外末上懼法朝朝樂欺公日日憂淨欺公猶自可只怕撞對頭下官盧杞的是也劉震這廝是俺對頭向日尋人刺他其計不行慚愧今日被下官奏過官家只說他受了朱泚的官職奉聖旨差下官與王遂中帶領五百名軍士去抄沒他家裡就拿劉震下獄王金吾快

分付軍士每圍住劉家一個個綁着衆領鈞旨外呀藍
面鬼直入人房室有何事幹淨那賊子兀自口巴巴的
左右與我拿下外我得何罪淨你做大臣受了朱泚節
度使之職同謀反逆見有聖旨拿你如何無罪外天那
下官自遇亂之日趕駕不上與合門百口閉戶不出朱
泚用我須有証見怎麼屈陷平人丑這話且到大理寺
理會淨左右把家私什物封記了末計開犯人劉震財
產鎮江醋七千七百七十七担七斗丑少了三斗末相
公鼻子裡吸了三斗淨自古道宰相鼻吸三斗醋說得
我好末馬快船九千九百九十九隻丑又少一隻末相
公肚子裡撐了一隻去淨自古道宰相肚裡好撐船說
得我着該賞他末徽州真正青烟金墨三萬三千三百
三十三塊半丑怎的又少半塊末相公心肝上塗了半
塊去淨我怎的是黑心畜生好打不黑怎麼害得平人
末又道是惟有赤心耳淨左右的休閑說把賊子一門
縛起來

四邊靜外哭孤臣只欲從君側何曾敢從賊臣罪合誅夷

天王聖明德合裏腸泯沒神明鑒識怨氣徹重霄昏昏斗

牛黑

前腔夫相看執手情何極分關在時刻欲了百年緣應歸

九身合裏腸泯沒神明合德竟落滄江茫茫夜潮
前腔旦舉家幸免強徒逼誰知又遭厄萬處出烽烟餘生
入宮掖合裏腸泯沒神明合鑿識怨氣徹重霄昏昏斗牛黑
淨這個丫頭沒名字奉聖旨賜與盧丞相爲妾丑左右
的放了他貼告相公妾身情願跟隨主母入宮丑聖旨
沒名字怎麼要你去貼末扯貼去貼執夫旦衣

前腔貼候門十載沾恩澤願隨主人側忍着舊衣裳爲人
舞春色合裏腸泯沒神明合鑿識怨泉落滄江茫茫夜潮黑
淨左右的帶這廝過來外不跪淨喝賊子怎麼不跪我
外我得罪於朝廷不跪你那藍面鬼淨賊子無禮左右
的與我打上一百棍丑相公尊重這是朝廷的人不該
私自責罰淨也罷待我罵那老賊幾句

東歐令淨你心驕傲意奸忒禍到頭來怎脫得平生專會
談人短誰料自從賊丑丞相朝廷法度自明白私怨且消
釋淨左右的帶那賊子下大理寺妻女二人宮中間住家
私封記待有司官變賣入官末小外應科

前腔外夫哭上心悲痛意凄惻忍把恩情中道拆旦貼父
南子北何時會血淚下如織合蒼天有眼自思知如何把
人屈

淨外旦夫末並下推貼倒地科丑可憐劉尚書本是好

人被人屈陷到此這個女子務處要隨入去難得難得
左右喚那丫鬟甦醒小外喚科

前腔 **貼**起生如寄魄如失只剩孤身難自立回頭不見親
人面不如早向井中溺奴家要這性命何用不如投在井
中死休 **丑**喝住 **佳人**心性恁般急性命怎輕擲

丑這妮子好性急呵你相公倘有再生之日怎的便尋
死 **貼**告相公妾受劉門厚恩不能從入宮去早尋死路
爲便 **丑**好好我看你年方二八到有老成之言身爲女
子到有丈夫之義我老夫有一句話不知你肯聽麼 **貼**
相公尊命怎敢不從 **丑**我老夫不是別人金吾將軍王

遂中的是也年登五旬並無一箇兒女你没有安身之
處何不隨老夫家去做一箇義女你心上如何 **貼**深感
將軍好意爭奈瓜田不納履李下不整冠相公男子妻
身女人雖則結義爲父難免外人議論 **丑**不妨下官有
夫人在家你只與夫人相處便了 **貼**如此妾身情愿居
將軍膝下

前腔 **丑**上看你心腸好語言直感戀恩人不忍失小娘子
從今便結螟蛉義與你共回宅 **貼**舊歡新愛誰爲主偷把
淚珠拭

丑佳人且自放眉頭 **貼**感謝恩官特賜留

合正是新嘉似山無方負

舊思如水滯身流

第十八齣

末上福無雙至尤難信禍不單行果是真小人塞鴻去年遭朱泚之亂把劉家行李付之賊手逃入太原府去小人平昔會織段疋權且織些糊口且喜賊平重到京師昨日去劉相公府中拜見誰想兩日之前老相公被盧丞相讒言屈陷朝廷把他全家抄沒了去苦不知生歿如何今日不免街上尋問王解元去向正是屋漏更遭連夜雨行船又遇打頭風

胡搗練生上彈鋏客久飄零千辛萬苦來仙境風景昔年

渾不異故人存否信難憑

末來的那人到和俺官人厮像呀元來正是俺官人拜拜
種生塞鴻一年不見我只道你歿在亂軍中誰想又得相會末官人自那日分散一向在那里

胡古今生你聽我說當日離灞陵到京城門已扃末賊人

閉却城門不曾遭他毒手生避兵亂脫身豺虎末投那里去生還故鄉度此生末怎生過活生舊業暫經營末官人怎的又來到這里生喜得一朝天生李晟掃除官

花再昇平因此上辛苦到宸京生塞鴻你投那里去了
前腔末行裝半路等奈東人不轉程生我看事勢不好怎

敢轉來末驀遭了狂徒劫剝生呀那二十馱東西都劫
了去末只單身返晉城生怎生度日末販織度殘生欣
逢賊滅重來問省生你曾到劉家去麼末相公被盧丞相
謔言屈陷了也怎知劉相受嚴刑三百口抄沒各飄零
生兀的不痛殺人也

五更轉生漂泊身依人度到今朝成枉圖英雄平地遭凶
禍老母嬌娥掖庭孤寡念姻緣似畫餅空牽挂何年骨肉
重完也合千里歸來無此窠坐

前腔末荷相公相託我恨強梁劫貨多羞慙有面難看觀
苦重來負荆稱謝又誰知遭譖訴家緣破萬般富貴都

拋下合前

生塞鴻他家還有誰末覆官人老相公幽在天牢夫人
小姐陷身宮禁只有侍兒採蘋聞說是金吾將軍王遂
中收留了回去只有這人還在生小姐此去永無見期
見得採蘋亦瞋目俺和你明日備此人事到王遂中
家裡求得採蘋一見也罷末官人見得是

生聞說青娥屬使君末明朝同去訪情親

合相逢要解心中悶只恐相逢轉悶人

第十九齣

晉賢歌淨扮張如花上奴家年紀六十餘曾見開元富貴

時楊妃與梅妃三姨與四姨都讓老身居第一

老身喚做張如花賽過石竹與山茶半斤石灰淡抹一
錠黑墨濃搽面孔光如羊肚石脚兒小似起園瓜尺七
八櫻桃小口寸三分魚鱗細牙昨日輕移蓮步走到殿
上澆花被皇帝御手拖住道我似月裡姮娥據你這般
標緻便做正宮也不差請上龍床同坐爭奈命不做些
踏撲了金橋一跌跌得我口角歪斜荒忙扶起來細看
好似一件東西內賽過活觀音淨阿也好似金剛脚下
的青臉夜叉老身是宮中老丫頭張如花的是也聞得
外頭抄沒人口派在俺宮中間任待妹子李似玉出來
區處他妹子那里

前腔丑扮李似玉上奴在深宮住得牢八幅羅裙着地描
口似兩面刀是非儘意嘈搬得六宮都斷開

老身喚做李似玉真箇風流不俗也會刺鳳描鸞也會
彈絲品竹也會商謎續麻也會象碁雙陸指頭上綉成
七寶塔斬眼間熬出豈末粥吟花柳賽過織錦迴文詩
舞柘枝那數霓裳羽衣曲蔡女胡笳聲字字胡搗劉向
列女傳篇篇熟讀不揀綺縠綾羅隨分青黃赤綠做出
來飛針走線看了的驚神駭目昨日娘娘交我綴一條
衣帶驚得我滿身麻木內果然手口相應丑阿也百般

女工曉得只有這做不熟相見科丑姐姐叫我做甚麼
淨妹子我叫你出來別無甚事昨日聞得朝廷發下兩
個囚婦入宮聽和你喚他出來奈何他一番交他低頭
伏事丑着古人道教兒嬰孩教婦初來不乘此時壓倒
了他日後反要做大淨待我叫他出來叫科
詞金門夫上嗟薄命怕憶舊家繁盛旦一閉昭陽愁與病
貌兒難斷認夫乍近御床羞不定幾遍傳宣錯應合最苦
關山相映畫欄空自凭

淨兩囚婦來了丑你吃了大虫心白象膽獅子髓見
俺托萬福不道一聲夫你是何人到要我萬福淨老

娘勅封六宮都總管不揀皇后妃子都伏我管下丑老
娘是唐明皇宮中老內人楊貴妃捧硯高力士脫靴你
兩個殺不盡的剛不盡的見我不陪個小心旦甚麼小
心我不知道淨兀自口強哩我且問你的老公是甚麼
官夫是尚書淨可知哩兀來你老公賭錢長輸老婆女

兒也輸與人了怎學我的丈夫干遍賭九遍贏旦还是
朝廷大臣戶部尚書丑正是糊塗長輸若不糊塗早是
贏了淨你兩個婆娘托是大官的妻女到這里兀是不
跪我夫旦我是二十年宰相妻十二道節度使女相門
相種不跪你這賤人淨阿也顛倒罵老娘好打丑打科

旦叫賤人不得無禮。湏有法度。內云娘娘有旨新來劉尚書家口二名係是衣冠妻女免他朝忝月支花粉錢十千張如花李似玉兩個好生伏侍他。淨丑荒科呌撒了娘娘分付咱每伏事他。丑扶科二位娘子請坐。淨丑跪好姐姐好夫人好奶奶適來有眼不識泰山甚是冲撞不要記懷。夫旦起來我不計較。丑老奶奶我替你提了尿瓶去罷。淨小奶奶我替你解下臭果脚洗洗。淨因傳下聖旨。丑將人挫了威風。夫旦指白蘇秦說向裏嫂何前踞而後恭。淨丑下

夫旦吊場。夫沒來由撞這兩個老潑才纏了半日。旦親我兩人多感娘娘聖恩得免凌辱爭奈我父親在牢內不知生歿如何有父有父氣如虹東髮事主懷孤忠本期丹誠向日月豈料白首傷樊籠。夫浮雲蔽天不可訴。凌烟高閣愁無路。合嗚呼一歌兮歌初成碧天萬里秋雲橫

七犯玲瓏。旦香羅帶秋雲淡淡橫。淒涼父子情回頭枉望斷孤雲影。梧葉兒冷落綵衣輕。他平昔英雄志翻成憔悴。嫩水紅花歎人生前程不定。萬里雲霄得意一日網羅裏。草羅袍恨浮塵偏掩日光晶。想春風何日吹枯梗。囚鸞檻。鳳人意怎平。飛霜下霄天心自明。桂枝香耿耿孤忠在。悠

怎得似緹紫。

夫有甥有甥千里駒。磊落萬卷曾中書。垂髫遶膝戲前除。玉顏照映青珊瑚。旦碧海清湘兩隔絕。一身良苦憑誰說。合嗚呼。二歌。芳悲天涯泣對庭中雙桂花。

前腔。夫秋花點點馨添人憶。遠情當年折桂客。多豪興。到今日桂飄零。他也飄零在天涯。路存亡信未憑。憶賢甥風流奇俊。從幼嬉遊。遶膝一旦受伶俜。合想饑寒何處度。餘生怕時乖。陷入兵戈境。功名有分雲程未。騰棄書無恙。春闈早登。何日重相見。還須續舊盟。關山冷。雨雪清。生來富貴幾曾。曾經彈缺向誰庭。

旦有母有母。年半衰。羅衣憔悴隨塵埃。淒涼故園長秋草。寂寞長門生碧苔。夫擁衾燈前淚如把。霜花夜集鴛鴦瓦。合嗚呼。二歌。今歌三起。梧葉冷冷打窓紙。

前腔。旦秋梧颯颯鳴。偏傷慈母情。便逢著春色也添愁。症怎禁聽落梧聲。怕他傷心劇假歡顏。順承淚偷傾。悄聲濕清爭柰西山薄。日不肯為人停。合怪萱花不耐雪。侵凌恨。西風偏重殘燈影。全家遭難猿愁。雀驚故園無主蛙鳴草。生說着旁人慘。交他淚怎不零。深宮香綉戶。扁何年鷹隼脫金鈴。古鏡得重明。

夫有女有女顏如花容光玉潤羞鉛華春眉懶向東風
展幽意肯逐琴心斜旦彩雲散盡陽臺杳可惜深宮坐
衰老合嗚呼四歌兮錦衾薄淒風一夜池荷落

前腔夫秋荷片片輕渾如弱女情西風把紅艷都吹淨冷
落小池萍裊裊嬌羞態怎禁風浪撐正青春臙腮香頸只
合深藏畫閣早遂鳳和鳴合怎教人寂寞守長門盼羊車
不到蒼苔徑上林春信望斷鴈翎小窓明月懶吹鳳笙迢
遞秦樓約淋漓湘竹凝臨愁鏡倚悶屏盡眉無處覓張卿
煙靄隔重城

夫十年富貴一朝休

旦百口飄零幾處愁

合腸斷夜深相對話

依依殘月下簾鈎

總批處處不俗的是詞人勝場

第二十齣

翠華引丑扮王遂中淨扮夫人上覓得如花少女深閨養
作螟蛉聰慧渾如男子嬌柔賽過親生相見科

丑夫人下官前日去抄沒劉尚書家裡見他侍女採蘋
眷戀丑母務要隨入宮去下官留爲義女不知此女在
吾家如何淨相公此女容德堪稱便是老身親生女一
般丑果然是好夫人我和你終身無靠何不將此女招
贅一婿也不絕了祭祀之王淨相公見得是

海棠春生不及海棠春野草堪消悶

未有一秀才參見相公丑請進來生入相見科丑足下高姓仙鄉何處

一封書生跪使君聽事因王仙客襄鄧人丑元來足下與下官同姓同鄉敢問令尊何人生諫議是先君丑諫議大夫王君麼生與宣堂早喪身丑你父母雙亡靠着何人生母舅劉公相慰憫丑莫非劉尚書麼他如今全家抄沒生誰想全家蕩不存丑你此來爲何生末合沒親人只採蘋丑要見嬌姿造貴門丑夫人下官與王秀才父親本是同族因遇亂離失去譜牒以此久不往來

前腔丑吾公本楚城遇亂遷入秦與汝本宗親生元來相

公是仙丑一族不知尊卑如何丑論昭穆叔父尊生拜如此請叔嬪嬪上坐容小姪拜見丑今日相逢須生認怎做區區陌路人丑淨合叙殷懃細評論須信千枝共一根

丑賢姪此來要見採蘋是不忘舊的意思我喚他出來與你厮丑如此萬幸淨且住老身有話相公百計要與採蘋招一佳婿今姪兒沒有安身之處就把採蘋與他爲妻如何丑說得有理姪兒你心中肯否生感承叔姪好意小生來此只要見採蘋一面不敢望此一者停

妻再娶背無雙舊約二者採蘋與小生有兄妹之分怎
麼使得丑賢姪差欠無雙一入深宮便如成的一般如
何是停妻再娶採蘋不過一時認義之女又不是俺親
生的有何不可你依着我今日是吉日就與你成就且
退去書院中安歇自有分曉生末欲作東床客暫爲西
館賓下丑事雖如此還要問女孩兒肯否方可成就淨
待我喚他出來孩兒那里

亭前柳貼上萍梗泊候門暫且度朝昏時時思王母夜夜
夢佳人堂前何事呼名問合試把姻緣一一訴虛真

相見科丑淨且喜且喜我兒你的親人來了貼爹媽

孩兒一家都已四散有甚親人淨是你主人外甥又是

你小姐丈夫王仙客到來要見你說起來又是你爹爹
的姪兒貼元來如此我要見他一見丑且慢着我有一

件大事和你商量貼有甚事但說不妨淨孩兒你爹爹
要把你招王秀才爲配你心中自宜斟酌貼多感爹媽

好意只一件孩兒昔日在劉門爲一使女王解元乃小
姐之貴婿賤人怎敢與他爲配丑你若不然辜負了王

秀才一片好心貼爹媽聽說若做夫妻不惟辱莫了王

解元抑且忘背了小姐倘或他日小姐得出何以相處
奴家情愿與王解元爲妻丑賢哉此女說得中聽事不

宜遲今晚便成就了罷爭也罷孩兒且退去房中梳粧
少刻喚你貼粧飾待花燭嬌羞入畫堂下丑叫管家的
聽我說你辨下筵席與小姐做親先去喚個摳相來內
應摳相來也小外扮摳相上全仗孔周樂禮來成秦晉
歡娛小人是摳相不知相公有何分付丑我有義女與
姪兒解元爲妾着你喝禮小外如此小人便請新人
落畫花去採蘋權時解却惜花心從今旅館寒燈夜
添個鋪床疊被入第一請云云使女陞爲義女義女改
做妾身明年丈夫高中便做第二夫人第二請云云未
討老婆先討小討得小時初時好若還重討大的來大
霜髮也靠君

丑百歲歡娛今始同

淨勸君且莫難西東

生今宵燈把銀缸照

合猶恐相逢是夢中

丑生吊塲丑賢姪你父親在先朝有直諫之功子孫理
宜錄用下官明早入朝與你奏過官裡討箇七品官職
與你做你心下如何生若得如此自當結草啣環之報
丑休戀故鄉生處好生受恩深處便爲家下

第二十一齣

金瓏瓏旦上合悲辭故隴傷心又別深宮嗟厄運甚時通
愁添椿樹夢腸斷碧簾叢一家漂泊歎西東

一入昭陽春又春。夢歸思舊兩傷神。那堪又作深秋別。
萬里征車倍憶親。奴家自與母親入宮。又早一年之上。
當今新天子卽位。差一個內官押領宮女三十人到德。
宗皇陵打掃三日之內。便要收拾起程。奴家怕母親煩。
惱。隱忍不說。苦適來宮婢傳下娘娘懿旨。催儻上路。此。
時必須與母親說知。怎生瞞得母親早來也。

前腔 夫年華如過夢。俄驚兩度秋。風髮添白臉。消紅膝。前。
嬌愛女。又欲別房櫳。間中思憶轉心忪。相見科。

夫孩兒今日爲何愁眉不轉。面帶憂容。旦母親孩兒。甚事。夫你休瞞我。我已知道了。昨日聖旨着你每三十。
個宮人打掃皇陵。明日便要去了。你却瞞我做甚。旦是。
孩兒怕母親添憂。不敢告知。端的明日五更時分。便要。
起程。夫苦我的兒。你父親陷身縲紲。我老身幽閉宮中。
正得你陪伴。又拋撇了去。教我舉眼看着何人。老年晚。
景不幸遇此淒涼之苦。旦母親不須煩惱。孩兒去想不。
久便回。

尾犯序 夫一自入深宮。日日隨班朝朝侍。從勞苦千般。凄。
涼萬種。承鳳詔。須當遠出。別慈幃。怎敢從容。合情知道。君。
恩浩蕩。敢戀私恩重。

前腔 夫孩兒我如何呵。老景漸龍鍾。冷落長門。沒箇趁奉。

幸有嬌兒在膝前眼中旦母親省煩惱敢怕孩兒未去哩
夫那里這話悲痛咫尺間拋人去也朝夕裏孤單誰共
縱有他三千粉黛怎與的親同

旦母子正相從早分離含悲相送此去迢遙知何日

再逢夫孩兒此別除非夢裡和你相逢旦母親珍重老年

人自須調護休爲我徒勞遠夢萬一裏愁多病染湯藥倩

誰供夫孩兒你此行自當保重關塞天寒多着些衣服路

途勞倦強進些茶飯旦謹領母親慈命

前腔夫生長繡幃中嬌怯香肌怎禁勞動好自支持耐路

途寒天冷風旦孩兒一心只想母親年老没人相靠夫我

不打緊歡哄我只在綺羅叢裡你不必旅愁增重更一

件此去打聽父親和丈夫消息倘若上林飛鴈頻把

信音通旦母親這是孩兒命中合受折磨母親不須掛念

前腔旦薄命合遭逢自古佳人偏受磨礱試看遠嫁昭君

涉胡沙萬重旦孩兒就此拜別悲慟暫時間高堂淚別明

日裡征車塵擁各黯然相看無語竟斷碧天風

淨丑扮老婢上奉聖旨內家三十人都帶行裝今晚在

上陽宮宿歇明日早行娘子去罷淨丑扯旦夫扯哭科

鷓鴣天夫正憶情人在網籠又傷嬌女去漂蓬旦哭慈幃

執手空留戀聖旨催人敢不從淨丑扯旦下夫哭倒香隱

約珮丁東。遙看仙子去無蹤。今宵宮漏重添永。和淚孤眠。到曉鍾。

六 雨滴梧桐秋夜長。愁心和雨到昭陽。拭却千行更萬行。淚痕不學君恩斷。

第二十二齣

掛真兒貼上一別侯門驚歲改。東籬下又見花開。情繫深宮恨傳飛鴈。漸瘦損舊時嬌態。

古詩 砌虫泣秋月庭鳥吟寒霜禽虫知感時而况思婦。腸憶昔富貴秋高臺飛羽觴。今來風雨夜孤燈掩茅堂。勉力事新人白首期作雙却憶舊主恩背人自沾裳不

着金縷衣上帶侯門香。愁觀菱花鏡曾照佳人粧空餘含淚眼。日夜眺宮牆。奴家勉辭故主誓泊侯門荷蒙王將軍待如親生。王解元納爲側室。晨昏之禮不廢。伉儷之情頗諧。只是思憶舊恩。放心不下。不知我老相公天牢內生死如何。夫人小姐宮禁中安否如何。正是春蚕到死絲方盡。燦燭成灰淚始乾。

西地錦生半世飄零無賴。秋風彈鋏歸來。依棲枳棘權寧耐。有時奮出塵埃。相見科

生 小娘子在此絮絮叨叨說些甚麼。貼奴家思憶相公夫人之深恩。無雙小姐之厚愛。當此重陽歎息一番。生

我想舅舅富貴之日當此重陽佳節多少受用誰知有今日

黃鶯兒生秋色滿仙臺把茱萸對酒盃他鄉辜負登高會那時節黃花正開弦歌正催今日裡繁華舊事空何在合拚寒齋故人何處白露點蒼苔

前腔貼佳景入蓬萊正羊車醉不回西宮別有人垂淚敲斷玉釵鎖盡翠眉良宵夢斷銀河外合碧雲開一般明月兩處照離懷

簇御林生天般禍海樣灾把佳期扭作灰多情猶想同心帶倚闌終日愁無奈合枉痴呆和那玉樓不見况他那一捻小身材

前腔貼花爲面玉作腮別來時秋幾回風流怕損當時態怎能勾一朝勾却鴛鴦債合鴈聲哀雙飛猶苦你孤宿怎生推

玉查子丑淨心憐豪傑才寂寞青春過爲君覓一官好向明時做相見科

丑賢姪且喜且喜生有何喜事丑詐者下官入朝官家問我有子未曾下官回奏臣無子止有姪兒王仙客乃諫議大夫王君之子乞陛下哀憐賜與一官半職也不斷了微臣後嗣官家大喜諫議大夫王某在先朝有直

諫之功其子正該錄用勅中書門下除王仙客做富平
縣尹下官將帶告身在此左右的將冠服過來末將冠
服上科既居唐爵祿頂着漢衣冠告相公冠服在此丑
賢姪聖旨限你三日內赴任須索早行生揖小生漂泊
江湖荷蒙叔媻收留在府今日又蒙奏討得官此恩何
時報答丑這些小官不足展賢姪大才聊借爲進身之
地他日自當遠到淨只是老夫妻兩口與你周全半載
不忍拋捨貼告爹媽知道孩兒家再生之恩怎忍割捨
解元自去赴任奴家情願伏事爹媽不願隨去丑說那
里話解元單身更沒的親在旁如何不去淨孩兒功名
大事怎生留得你住此去小心伏事解元早晚回來再
得相見生貼兀的拜辭爹媽赴任去也

趨新郎生拜漂泊留潭府荷深恩解衣推食自知慚負又
藉吹噓登雲路嬌女肯教同赴這厚德鑄心銘腑合別後
不知何日會有音書莫惜頻頻付分袂也轉凄楚

前腔貼紅顏自古多辛苦似楊花乍依芳樹又飄南浦心
戀親情難拋捨正值寒天秋暮斷腸處鴈聲飛度合前

錦衣香丑正京華歡相聚又天涯悲相訴早覺今日傷情
悔我當初不如不替取功名也圖骨肉完聚歡娛賢姪前
程萬里早升遷也青雲有路合莫被青雲誤也須回顧高

堂日短髮絲垂素

兼水令淨念嬌兒未知世故念才郎未達時務宦遊千里
向危途更愁老年影隻形孤末小外香車駕馬已在塗請
相公早早登程去合不忍別不忍別叮嚀回顧烟樹外烟
樹外月模糊

丑一官羈絆寶藏身

生兩口無依枉累人

貼道路悠悠不知處

合秦山遙望隴山雲

蕩海若先生批評無雙傳明珠記卷上終